



Protocol

dalla seduta dil cussegl da vischnaunca,
Datum e temps: 13-01-2017 allas 19.00 – 21.00
Liug: Halla Cons

Presidi: Robert Cajacob, president communal
Christoph Berger, president dil cussegl da vischnaunca

Actuar: Paul Duff

Presents:

- | | | |
|-------------------------|--|---|
| a) Cussegl | Armin Berther
Adrian Deflorin
Mario Flepp
Rita Huonder-Tenner
Admir Jasarevic
Giusep Lozza
Helga Probst-Linder | Stefan Columberg
Edgar Durschei
Anna Maria Genelin
Wendelin Jacomet
Christian Loretz
Armin Manetsch
Livio Zanetti |
| b) Suprastonza communal | Robert Cajacob
Victor Flepp
Iso Mazzetta | Clemens Berther
Jris Lombris |
| c) Canzlist communal | Andri Hendry | |
| d) Hosps | suprastonts e cussegliers abdiconts fin 2016 | ca. 100 hosps |

La gliesta da tractandas secloma sco suonda:

1. Plaid d'avertura entras il president communal Robert Cajacob
2. Undraziuns
3. Appel
4. Elecziuns
 - 4.1 dus dumbravuschs e dus suppleants da dumbravuschs
 - 4.2 dil president dil cussegl da vischnaunca per 2017
 - 4.3 dil vicepresident dil cussegl da vischnaunca per 2017
 - 4.4 actuar dil cussegl da vischnaunca per 2017
 - 4.5 dil vicepresident communal per 2017/2020
 - 4.6 dalla cumissiun da baghegiar
5. Agenda 2017
6. Communicaziuns

1. Plaid d'avertura entras il president communal Robert Cajacob

President communal Robert Cajacob arva la perioda d'uffeci 2017/2020 cun in engraziament al pievel dalla vischnaunca da Mustér per la honur surdada ad el sco president communal, la quala cumpeta era a sia famiglia. El gratulescha als nieveligi e reeligi els gremis politics ed engrazia a quels che han remess lur incarica politica cun la fin alla davosa perioda d'uffeci.

Siu plaid ha el mess sut il pretext «Quo vadis sisum la Surselva» El appellescha da star ensemen. La collaboraziun denter il pievel e las instanzas politics facilitescha la lavur e porta success. La situaziun geografica ei attractiva, la veta economica schai sin bunas structuras e las activitads culturalas da Mustér ein exemplaricas. Da talas situaziuns positivas duein ils vischins esser pertscharts. Mustér ei in centrum dalla Surselva. Quel basegna ei da tgirar e porscher agl indigen ed al hosp in bi ed emperneivel viver. Robert Cajacob menziuna las investiziuns indispensablas che la vischnaunca sto far el sector da turissem sco era ell'infrastructura. Ils deivets communalis ston per quei intent vegnir augmentai. El fa menziun dallas investiziuns planisadas e necessarias el Center da sport e cultura si Acla da Fontauna, la sanaziun dalla casa da scola, la sanaziun dalla serenera e canalisaziun, sanaziuns da vias. Quellas lavurs augmentan l'attractivitat da nossa vischnaunca per investurs d'ordlunder ed indigens.

In tema central vegn ad esser las damondas da fusiun cun las vischnauncas vischinontas. Mustér vegn a far valer siu status da liug central ella Cadi. Ei drova aunc biara lavur per dilucidar las damondas ed ina fusiun sa esser d'avantatg mo sto ella esser fatga senza squetsch el dretg temps. Ils daners empermess dil cantun astgan buca esser decisivs per far quei pass.

(Il plaid dil president communal ei aschuntaus sco annexa a quest protocol.)

2. Undraziuns

President communal Robert Cajacob engrazia a tuts partents per il grond engaschament sur plirs onns en favur dil beinstar communal.

Suandontas personas retscheivan in regal per lur lavur:

Francestg Cajacob	president communal	4 onns	2013 - 2016
	cussegl da scola	10 onns	2003 - 2012
Roger Tuor	gerau	11 onns	2006 - 2016
	vicepresident communal	6 onns	2011 - 2016
	cussegl da vischnaunca	6 onns	2000 - 2005
Cecilia Maissen-Desax	geraua	8 onns	2009 - 2016
	cussegl da vischnaunca	6 onns	2003 - 2008
Madlen Deflorin-Spescha	geraua	6 onns	2011 - 2016
	cussegl da vischnaunca	2 onns	2009 - 2010
Flavio Murer	cussegl da vischnaunca	8 onns	2009 - 2016
	cumissiun da gestiun	7 onns	1999 - 2005
		1 onn	06.2012 - 04.2013
Jordana Lozza-Desax	cussegl da vischnaunca	8 onns	2009 - 2016
Alfred Spescha	cussegl da vischnaunca	8 onns	2009 - 2016
Adrian Bigliel	cussegl da vischnaunca	4 onns	2013 - 2016
Adrian Pally	cussegl da vischnaunca	4 onns	2013 - 2016
Rico Tuor	cussegl da vischnaunca	4 onns	2013 - 2016
Silvio Candinas	cussegl da vischnaunca	3 ½ onns	2013 - 05.2016
Marco Schmed	cussegl da vischnaunca	2 onns	2013 - 03.2015
Ulrike Lechmann-Krabacher	cussegl da scola	8 onns	2009 - 2016
Regina Giger-Caminada	cussegl da scola	1 ½ onn	2013 - 07.2014

Actuar:

Ervin Maissen ha remess siu uffeci sco actuar dil cussegl da vischnaunca suenter 16 onns. El ha unfriu biaras uras, sondas e dumengias per quell'incarica e survegn dils presents in resentiu applaus d'engraziament.

3. Appel

Canzlist Andri Hendry prelegia ils nums dallas cusseglieras e dils cusseglers da vischnaunca e constatescha che tuts ein presents.

4. Elecziuns

Cussegliera Rita Huonder-Tenner ch'ei ils pli biars onns egl uffeci surpren l'incarica da tgamunar las empremas elecziuns. Ella pren la caschun da far ina retrospectiva e retener ils aspects socials che semidan. Ella constatescha che la discrepanza denter marcau e tiara vegni pli e pli profunda. La planisaziun da terren che pretenda restricziuns ella regiun en favur digl intschess urban e l'annunzia dalla posta da serrar filialas ellas regiuns ein mussaments dalla tendenza. Il sustegn dalla populaziun per la lavur dil cussegl da vischnaunca ha intimau ella da cuntinuar era suenter endisch onns cun la lavur per il generalessar.

4.1 Dus dumbravuschs e dus suppleants da dumbravuschs per 2017/2020

Sco dumbravuschs ein proponi cusseglier Adrian Deflorin e cussegliera Helga Probst.

Ils dus proponi vegnan eligi cun maun pli (art. 4 regul. da fatschentas).

Adrian Deflorin e Helga Probst vegnan eligi unanimamein.

Sco suppleants da dumbravuschs ein proponi ils cussegliers Armin Berther e Giusep Lozza.

Ils dus proponi vegnan eligi cun maun pli (art. 4 regul. da fatschentas).

Armin Berther e Giusep Lozza vegnan eligi unanimamein.

4.2 President dil cussegl da vischnaunca 2017

Cusseglier Livio Zanetti propona concusseglier Christoph Berger per president dil cussegl da vischnaunca per igl onn 2017. El menziunescha l'experiencescha e l'integritad da concusseglier Christoph Berger ed appellescha per il sustegn. Ei dat buca autras propostas. L'elecziun vegn fatga per scrutini (art. 11 al. 4 regul. da fatschentas).

Resultat:

Cedels reparti 15

Cedels returnai 15

Cedels vits e nunvaleivels 4

Cedels valeivels 11

Cun 11 vuschs tier in absolut pli da 6 vegn Christoph Berger eligius sco president dil cussegl da vischnaunca da Mustér per igl onn 2017.

Il niveligiu president Christoph Berger accepta l'elecziun. En siu plaid engrazia el allas cusseglieras ed als cussegliers per l'elecziun. El selegra d'astgar presidiar il gremi che representa il pievel communal. Sco vischnaunca entira duein ils cussegliers, las cusseglieras representar ils fatgs el cussegl per vegnir respectai dil pievel. Ei dat da segirar la posiziun da Mustér sco subcenter dalla regiun. Ei basegna d'esser activs ed innovativs ed ughegiar dad ir anavon. Fusiuns sligian buca problems. Il sistem cumprovau ein collaboraziuns. Plazzas da lavur attractivas animeschan da restar e vegnir en vischnaunca. Il commerci indigen basegna sustegn ed igl ei da reagir sche plazzas svaneschan e da promover projects che muntan nova lavur cun plazzas el vitg ni regiun. Investar cun intelligenza. Sche la fatschenta d'unviern cuntenta buc, sto quella dalla stad vegnir promovida. Mustér ha futur e cun segirezia da sesez san ins seposiziunar e curdar si. Persuenter drov'ei curascha tenor il motto: « Il territori romontsch ha pli bia slontsch! ».

Mustér ha futur e potenzial e quel ei da vender. Cunzun la stad porscha la regiun attracziuns ch'ein aunc tgeuas e buca scuvridas. Sper Claustra e pendicularas ein aunc ulteriuras bunas fatschentas situadas el vitg. Quellas vala ei da risguardar per haver prosperitad. Cun crer el futur e luvrar comunablamein vegn nossa vischnaunca vinavon. (Igl entir plaid ei aschuntaus sco annexa al protocol).

Ei suonda igl act dalla saramentaziun dil niev president dil cussegl e dil president communal.

President dil cussegl Christoph Berger engira avon Diu d'ademplier tuttas obligaziuns ch'igl uffeci pretenda tenor meglier saver e puder.

President communal Robert Cajacob engira avon Diu d'ademplier tuttas obligaziuns ch'igl uffeci pretenda tenor siu meglier saver e puder.

Ei suonda la saramentaziun dils ulteriurs commembers dil cussegl da vischnaunca, dalla suprastanza, dil cussegl da scola e dalla cumissiun da gestiun

«Vus sco commembers eligi dil cussegl da vischnaunca, dalla suprastanza communal, dil cussegl da scola ni dalla cumissiun da gestiun engireis avon Diu d'ademplier tut las obligaziuns da Vies uffeci tenor meglier saver e puder.»

Ina part dils eligi sorprendan la formulaziun d'empermischun:

«Vus sco commembers eligi dil cussegl da vischnaunca, dalla suprastanza communal, dil cussegl da scola ni dalla cumissiun da gestiun empermetteis d'ademplier las obligaziuns da Vies uffeci tenor meglier saver e puder.»

4.3 Vicepresident dil cussegl da vischnaunca per 2017

Cusseglia Armin Berther propona concusseglia Armin Manetsch per vicepresident dil cussegl da vischnaunca per 2017. L'elecziun vegn fatga per scrutini (art. 11 al. 4 regul. da fatschentas).

Resultat:	Cedels reparti 15
	Cedels returnai 15
	Cedels vits e nunvaleivels 3
	Cedels valeivels 12

Cun 12 vuschs cun in absolut pli da 7 vegn Armin Manetsch eligius sco vicepresident dil cussegl da vischnaunca per igl onn 2017.

4.4 Actuar

Sco actuar dil cussegl da vischnaunca per igl onn 2017 vegn Paul Duff eligius unanimamein.

4.5 Vicepresident communal per 2017/2020

La suprastanza propona gerau Iso Mazzetta sco vicepresident communal per la perioda d'uffeci 2017/2020.

Il cussegl da vischnaunca elegia unanimamein gerau Iso Mazzetta sco vicepresident per la perioda d'uffeci 2017/2020.

4.6 Cumissiun da baghegiar

Sco commembers per la cumissiun da baghegiar per la perioda 2017/2020 ein proponi:

- Simon Bisquolm
- Corsin Bundi
- Dario Manetsch
- Ronny Zanin

Il proponi vegnan eligi unanimamein dil cussegl da vischnaunca sco commembers dalla cumissiun da baghegiar per la perioda d'uffeci 2017/2020.

Il cau dil departament digl uffeci da baghegiar, gerau Iso Mazzetta, ei ex officio commember dalla cumissiun e president da quella.

5. Agenda 2017

Ils cusseglers han obteniu l'agenda purificada. E vegn buca giavischau midadas. Cheutras ei l'agenda 2017 approvada e secloma sco suonda:

1. venderdis, ils 13 da schaner 2017
Seduta constitutiva
2. venderdis, ils 17 da fevrer 2017
3. venderdis, ils 24 da mars 2017
4. venderdis, ils 21 d'avrel 2017
Quen 2016
5. gievgia, ils 8 da zercladur 2017
Program d'activitad e plan da finanzas
6. venderdis, ils 25 d'uost 2017
Seduta extra muros
7. venderdis, ils 15 da settember 2017
8. venderdis, ils 6 d'october 2017
9. gievgia, ils 16 da november 2017
Preventiv 2018
10. venderdis, ils 17 da november 2017
Termin da reserva
11. venderdis, ils 15 da december 2017
Seduta finala

Las sedutas regularas entscheivan mintgamai allas 20.15.

6. Communicaziuns

President communal informescha sur dalla occupaziun dils posts en differentas cumissiuns, las qualas la suprastanza ha saviu far. La gliesta dallas cumissiuns cun las personas che sorprendan incaricas ei aschuntada sco annexa a quest protocol.

Il president dil cussegl da vischnaunca ha entginas orientaziuns. Alla fin fa el attents ch'ei suondi la surdada dil Premi Desertina.

Fin dalla seduta da constituziun dalla perioda d'uffeci 2017/2020 allas 21.00 uras.

Cussegl da vischnaunca Disentis/Mustér
Il president: Igl actuar:

Christoph Berger

Paul Duff

Surdada dil premi Desertina sco promoziun da cultura e sco undraziun per engaschament cultural en vischnaunca.

Geraua Jris Lombris presidiescha la cumissiun «Premi Desertina». Ursin Defuns e Hans Huonder completeschan la cumissiun. Suentar sis onns vegn il premi puspei surdaus als meriteivels, ils quals procuran per acziuns culturalas e promovon il spért d'unitad en nossa societad. Il premi ei engraziament per la lavur ed igl engaschament e duei dar motivaziun da cuntinuar cun la stenta da promover cultura.

Il premi da promoziun va alla gruppa «Movis».

Dapi biars onns instrueschan las menadras da sault e moviment. Actualmein fan 120 personas part da lur activitads. Per part vegnan quellas ord l'entira regiun circumdonta. Ursin Defuns fa la laudatio ed Esther Hendry pren encunter il premi en num dalla gruppa ed engrazia persuentar.

Il premi da reconuschientscha per engaschament cultural va ad Aluis Hosang.

Ella laudatio dad Aldo Tuor suvegn il magister da Mustér laud ch'el s'engascha sin differents palancaus per la cultura. Sco dirigent meina el la Societad da musica Mustér ed il Chor baselgia sogn Gions. Ellas scolas da vischnaunca empren el culs scolars las canzuns religiosas che vegnan cantadas ellas messas e devoziuns da scola. Siu engaschament per cant e musica cuoza gia dapi biars onns ed il Premi Desertina duei reconuscher quella stenta e dar anim da cuntinuar al premurau scolast e dirigent.

Sentupada culs vischins

Alla fin dallas occasiuns ufficialas survescha la gruppa da puras in puschegn a tuts presents. En intensivs discuors denter vischinas e vischins cun las autoritads politicas suonda in emperneivel mument cun scumiadas da meinis e cun in viva da cumpignia.

Annexas 1 al protocol 01 - 2017/2020: Plaid dil president da vischnaunca Robert Cajacob

Preziadas convischinas, preziai convischins
Preziadas e preziai collegas dils gremis politics communalas
Preziadas e preziai commembers dalla societad da musica
Prezias representants dallas medias
Prezias tuts presents

Cun grond plascher fetschel jeu a vus tuts in cordial beinvegni alla seduta constitutiva dil cussegl da vischnaunca per la perioda d'uffeci 2017/2020 e giavischel a vus tuts in bien e ventireivel onn niev. Possi il Segner accompagnar nus di per di tier nossa lavur per il beinstar da nossa vischnaunca.

In cordial engraziament alla Societad da musica sut la bitgetta d'Aluis Hosang per igl accompagnament musical questa sera.

All'entschatta less jeu gratular a tuttas convischinas e convischins ch'ei vegni reeligi ni eligi tier las davosas elecziuns communalas en in u l'auter gremi dalla vischnaunca da Mustér. Jeu sperel dad haver ils proxims quater onns cun vus tuttas e tuts in emperneivel collaborar en favur da nossa vischnaunca.

Sco niev elegiu president communal vi jeu denton era engraziar grondamein a quellas personas che han serrau giu lur engaschi politic cun la fin digl onn per lur grond engaschi en favur da nossa vischnaunca.

Preziadas convischinas, preziai convischins

Vus haveis eligiu mei el post dil president communal. Per la gronda confidonza demussada viers mia persuna e mia famiglia engraziel jeu ad in e scadin grondamein.

Avon 8 onns ha il parlament communal giu elegiu mei el post da president dil cussegl da vischnaunca. Era lu haiel jeu giu la gronda honor d'astgar tener in plaid introductiv. Il tema lu era staus „Quo vadis sisum la Surselva?“. Era mieu plaid dad oz sefantschenta fermamein cun quei tema.

Jeu vegnel a dar tutta breigia d'ademplir mieu pensum aschibein sco pusseivel. Empermischuns sai e vi jeu far neginas. Nus tuts savein ch'ei dependa buca mo dil president communal, resp. dalla suprastanza communal, sch'ei va bein ni mal cun la vischnaunca. Cheu essan nus tuts, mintga convischina e mintga convischin clamai da setener e luvrar ensemen. In bien fundament per il reussir ei ina buna collaboraziun denter pievel, cussegl da vischnaunca e suprastanza communal. Ei quella basa dada, ei beinenqual caussa pusseivla, va bia pli lev.

Mustér ei, e quei astgein nus dir cun grond plascher e perschasiun, ina attractiva vischnaunca che porscha a nus habitonts sco era a nos prezias hosps fetg bia. Nus vivin en ina bellezza cuntrada ed il territori ei attractiv per nus sco era per il turissem che vegn per nus pli e pli impurtonts. Nus astgein esser loschs da nossa industria, da nossas fatschentas pintgas e pli grondas, da nos menaschis purils moderns etc. Nus schischin central ed havein la venerabla Clastra en nies miez. Nus stuein sulet esser pertscharts da quei e veser il bien e las habilitads en sesez ed el proxim.

Nus astgein esser loschs da nossa vivida cultura en vischnaunca. Il Chor baselgia s. Gions ha saviu festivar igl atun vargau il giubileum da 100 onns, quel da Segnas sa festivar il medem giubileum uonn, la Societad da musica Mustér survegn el decuors da proxima primavera novas munduras e la grupp da teater ha damaun a sera premiera eav.

Las generaziuns avon nus ein stadas engaschadas cun tgierp ed olma per il bien prosperar da nossa vischnaunca. Lein mantener quei spért.

Mustér ei e vul restar in dils centrums ella regiun Surselva. Nossa finamira ei da porscher ad indigens sco als hosps in bi ed emperneivel viver en nossa vischnaunca. Nus essan dependents oz pir che mai d'in ferm turissem, da buns e ferm investurs sin tuts secturs. Essan nus pertscharts da quei, lu savein nus che nus stuein comunablamein mirar che nossa purschida mondi a prau cun nossas finamiras. Con spert ei enzatgei piars, con vess va ei da vegnir neutier cun enzatgei niev.

Ils proxims onns vegn nossa vischnaunca, vulein nus contonscher nossas finamiras, ad esser pretendita da far dabia investiziuns ed era sanaziuns. Ch'il pievel ei pertscharts da quei ha el mussau tier las votaziuns dil november vargau nua ch'ils projects turistics ein vegni susteni cun gronda maioritad. Per quei patertgar futuristic meretan convischinas e convischins laud ed in grond engraziament.

Ils davos onns eis ei reussiu da reducir marcantamein il deivet communal. Ils proxims onns vegn quei denton buca ad esser pli il cass, anzi, il deivet communal vegn, fagein nus nos pensums da casa, lein nus esser actuals cun nossas purschidas per convischinas e convischins sco per nos hosps, a crescer considerablamein. Lein nus restar ina ferma vischnaunca, lein nus mantener il status d'in center, lein nus saver tener nossa giuventetgna en nossa val cun saver porscher bunas plazzas da lavur, lein nus restar attractivs per il hosp da vacanzas, lu dat ei nuot auter che da far las investiziuns necessarias, p.ex. sanaziun ed engrondaziun dil Center da sport e cultura Acla da Fontauna, la sanaziun dalla casa da scola, la sanaziun dalla serenera e canalisaziun, sanaziuns da vias, eav. Far nuot vul dir star eri, star eri vul dir far in pass anavos e cheu sundel jeu perschuidius che vus tuttas preziadas convischinas e prezias convischins patertgeis sco jeu - quei astgein nus buca selubir.

Novs investurs han demussau grond interess per nossa vischnaunca, per nies contuorn ed ein prompts da s'engaschar ed investir tier nus, p.ex. el „Catrina Resort“, ellas pendicularas, ella hotellaria eav.

Nus havein era il grond cletg ch'investurs indigens han la duida curascha da s'engaschar ed investir en nossa vischnaunca, p.ex. surbaghegiada „Center dil vitg“, habitaziuns per attempai „Sut Gliendas“, novs e ferm menaschis ella zona d'industria sut Segnas eav.

Nossa vischnaunca ei visada vi sin da quellas persunas, suprendiders e persunas privatas che han quei spért e las ressuras necessarias avon maun.

Buca mintgina ni mintgin da nus ha la pusseivladad d'investar en gronds projects, denton nus tuts savein sustener nos investurs cun mussar beinvulientscha viers els, cun sustener nossas fatschentas – quei che munta segirar plazzas da lavur. Gliez vegn directamein dabien a mintgin, mintgina da nus.

Nus stuein era encurir leu nua ch'ei fa senn e basegns collaboraziuns cun nossas vischnauncas vischinontas. Collaboraziuns secumprovadas savessen esser il fundament per ponderaziuns viers fusiuns, seigi quei en singuls secturs ni schizun sil nivo d'ina gronda vischnaunca sisum la Cadi.

- Star eri vul dir fa in pass anavos, consumar las reservas entochen che nuot ei pli avon maun
- Nus stuein ir maun en maun viers il futur, pievel e politichers e mussar anoviar che nus essan units
- Las instanzas politicas drovan sustegn, ston saver sefidar dalla loialtat eifer ils gremis e davart dil pievel
- Critica beinmanegiada che porta nus vinavon ei adina beinvegnida, critica destructiva fa donn ed ei spisa per nos adversaris

- Cussegl da vischnaunca, suprastanza, cussegl da scola e cumissiuns ston luvrar ensemen, encurir il dialog positiv per vegnir tier decisiuns en favur dalla vischnaunca

In tema central dils proxims onns vegn la damonda da fusiun cun las vischnauncas vischinontas ad esser. Avon che decider definitivmein en caussa stuein nus denton anflar las dretgas rispostas sin dabia damondas.

Mustér ei da vegl enneu il centrum, la capitala dalla Cadi e sto restar era tier in'eventuala fusiun il center d'ina nova vischnaunca.

Sulet ils daners empermess dil cantun tier ina fusiun astgan buca esser la raschun per ina fusiun alla sperta e forsa malponderada. Ils daners ein spert duvrai si, ina malcontentientscha cuzzass denton pli ditg, generaziuns.

Biars tschiens onns ei la vischnaunca da Mustér quei ch'ella ei aunc oz. Ina vischnaunca che ha purschiu e porscha a ses habitonts paun e fadigia e bia cuntentientscha.

Ina fusiun beinponderada ed il dretg mument cun ina u l'otra vischnaunca vischinonta, savess senz'auter haver avantatgs. Schebein gl'ei ussa il dretg mument vegn a semussar.

Bia lavur spetga sin nus. Lein ir comunablamein cun ponderaziun tier l'execuziun da quella.

Preziadas convischinas, preziai convischins, jeu selegrel d'astgar luvrar ensemen cun vus tuttas e tuts per il beinstar da nossa vischnaunca.

Engraziel fetg per vossa atenziun.

Annexa 2 al protocol 01 – 2017/2020: Plaid dil president dil cussegl da vischnaunca Christoph Berger

Preziadas cusseglieras e prezias cussegliers
preziada suprastonza communal,
preziadas convischinas e prezias convischins, prezias hosps

Las commembras ed ils commembers dil cussegl da vischnaunca han gest eligiù mei sco president dil cussegl da vischnaunca per igl onn 2017. Per vossa confidanza enviars mei engrazièl jeu da tut cor.

Engraziar vi jeu era pil grond sustegn dalla populaziun per astgar ademplir quell'incarica politica per vus tuts.

Il parlament communal al qual jeu astgel star avon ussa per in onn ei in cussegl da vischnaunca cun bia saung niev. Jeu sperel che quei dat bia buns impuls.

Igl ei impurtont che las cusseglieras ed ils cussegliers representan il pievel. Cun in engaschi per la vischnaunca e buca mo per agens interess e cun differents meinis essan nus respectai dil pievel.

Miu post da president vesel jeu sco moderatur e mediatur denter suprastonza e cussegl. Per sentir il puls da convischinas e convischins essan nus tuts responsabels. Cun sedutas beinpreparadas da mintga vart ed aschia effectivas essan nus verdeivels.

Ei dat segiramein differents sistems politics. Midadas fan denton mo senn sche in sistem vegn midaus en in sistem che ei megliers e pli efficients. Cun s'engaschar sur igl entir onn ora cun la materia politica sedat ins, ord miu pugn da vesta, giu pli profundamein cun tut las materias politics e survegn ina pli gronda capientscha per ina ni l'otra decisiun politica. Nossa vischnaunca ha era igl avantatg che nus perdin buca energia cun conflicts denter las partidas. Buca piarder temps cun midadas da sistem. Nus duvrein nossa energia per luvrar pil futur da nossa vischnaunca!

Nus havein da prender bia decisiuns per rinforzar e segirar il futur da Mustér sco subcenter. Igl ei buca adina sempel tgei ch'ei endretg ni falliu pil futur. Tgei che tuts san ei, che nus stuein esser activs ed innovativs. Tenor mei ei il sulet sbagli ch'ins sa far, da far nuot. Nus vein da sligiar ils problems.

Nus vein dad ughegiar ed ir vinavon e buca da frenar e restar el liug. Sistems che funcziunan bein e cun success stuein nus denton mantener.

Fusiuns sligian buca problems, mobein accumuleschan quels. Collaborar ei denton mai falliu.

Il pli impurtont ein las plazzas da lavur en nossa vischnaunca. Nus vein da cumbatter per mintga singula piazza. Schazegiar la glied che lavura tier nus e mirar ch'il liug resta attractiv per glied che less vegnir neutier. Nus savein buca pli selubir da buca realisar projects che porschan novas plazzas da lavur. Nus savein buca pli selubir da buca reagir sche plazzas da lavur van senza raschun naven da Mustér.

Cun paucs raps che stattan a disposiziun vegnin nus buca da far miraclas, nus vein denton tuttina da far intelligentas investziuns che portan fretgs a liunga vesta. Cul sistem dalla bognera vegnin nus buca lunsch.

Sco las entradas dil turissem d'unviern paran buca pli dad esser garantidas vein nus dad investir pli fetg el turissem da stad.

Forsa stuein nus far ina ni l'otra gronda investziun ch'ei buca dependenta dall'aura, per curdar si positiv.

Daco buca far la pli aulta punt da Sontga Gada a Mumpé Medel? Daco buca aver il pli grond museum da cristallas dalla Svizra a Mustér?

Forsa duvrein nus tuts era pli bia curascha e stuein era ughegiar dapli ed empruar novas caussas e buca sco emprem encurir 99 puncts negativs sch'ins vegn cun ina nova idea ni in niev concept. Il CEO Urs Kessler dalla Jungfraubahn cun in milliun hosps per onn fa siu territori pli attractiv cul motto: „Anders sein als alle andern!“ Nies motto sto esser: „Attraktiver sein als alle andern!“ Ni forsa: „Il territori romontsch ha pli bia slontsch!“

Mustér ha in futur ed aunc bia potenzial che nus vendin memia pauc. Cun vender nossas attracziuns savein nus baghegiar ora il turissem da stad che ha aunc bia potenzial da crescer. Era leu ston aunc biars esser pli activs.

Ord miu punct da vesta han memia biars ils davos onns piars temps cun encurir tgi che savess haver la cuolpa ch'il diember dils hosps ei ius anavos enstagl da far activamein enzatgei encunter.

Mustér ei denton era buca mo Claustra e pendicularas.

Nus vein bia attractivas fatschentas el vitg. Ils 05 da schaner havein nus survegniu ina reclama da „Le shop“ ellas casadas. Nus stuein denton buca haver tema dalla Migros, na, nus stuein haver tema dallas convischinas e dils convischins che cumpran nuot el vitg.

Nezegiar pli stedi nossas purschidas e nossa infrastruttura saiel jeu appellar al pievel!

Mo sche nus cartin en nies futur e luvrein comunablamein per el, vegn nossa vischnaunca vinavon!

Lein semetter vid la lavur. Ei dat aunc bia da far.

En quei senn declarel jeu d'acceptar l'elecziun sco president dil cussegl da vischnaunca per igl onn 2017 ed engraziel per Vossa atenziun.

**Annexa 3 al protocol 01 – 2017/2020:
Cumissius e delegaziuns elegi dalla suprastanza communal.**



GEMEINDE/VISCHNAUNCA
DISENTIS/MUSTÉR

Cumissius/delegaziuns 2017/2020 (eligi dalla suprastanza communal)

Cumissiu Delegaziun	Uffeci	Commembra/ra 2017/2020	Eligi ils	Remarcas
Cumissiu da menaschi Center da sport e cultura	Gerai	Clemens Berther	12.12.2016	
Cumissiu da menaschi Center da sport e cultura	Commembra	Edgar Durschei	12.12.2016	
Cumissiu da menaschi Center da sport e cultura	Commembra	Manuela Maissen-Bigliel	12.12.2016	
Cumissiu da menaschi Center da sport e cultura	Commembra	Fabian Manetsch	12.12.2016	
Cumissiu da menaschi Center da sport e cultura	Commembra	Alfons Quinter	12.12.2016	
Sana Surselva	Suprastanza	Robert Cajacob	12.12.2016	
Sana Surselva	Delegada	Jris Lombris	12.12.2016	
Regiun Surselva	Conf. presidents	Robert Cajacob	12.12.2016	ex officio
Regiun Surselva	Suprastanza	Robert Cajacob	12.12.2016	
Center da sanadad PUNTREIS SA	Commembra	Jris Lombris	12.12.2016	tier proxima elecziun entras fundaziun
Center da sanadad PUNTREIS SA	Commembra	Hans Huonder	12.12.2016	elecziun entras fundaziun
Fundaziun PUNTREIS	President	Clemens Berther	12.12.2016	proponiu entras suprastanza communal
Fundaziun PUNTREIS	Commembra	Livio Zanetti	12.12.2016	proponiu entras suprastanza communal
Cumissiu Premi Desertina	Presidenta	Jris Lombris	12.12.2016	
Cumissiu Premi Desertina	Commembra	Ursin Defuns	12.12.2016	
Cumissiu Premi Desertina	Commembra	Hans Huonder	12.12.2016	
Cumissiu biblioteca populara	Presidenta	Jris Lombris	12.12.2016	
Cumissiu biblioteca populara	Commembra	Christina Bischof	12.12.2016	bibliotecara - ex officio
Cumissiu biblioteca populara	Commembra	Jolanda Venzin-Monn	12.12.2016	repres. Medel
Cumissiu biblioteca populara	Commembra	Mario Hitz	12.12.2016	repres. Tujetsch
Cumissiu biblioteca populara	Commembra	Simona Simonet-Vescovi	12.12.2016	
Cumissiu biblioteca populara	Commembra	Roger Tuor	12.12.2016	meinascola
Stab da catastrofas	President comm.	Robert Cajacob	12.12.2016	
Stab da catastrofas	Substitut	Victor Flepp	12.12.2016	
Stab da catastrofas	Menader uff.bag.	Ervin Maissen	12.12.2016	
Stab da catastrofas	Substitut	Roger Lutz	12.12.2016	
Stab da catastrofas	Cumand. pump.	Gion Tenner	12.12.2016	
Stab da catastrofas	Substitut	Fredy Caminada	12.12.2016	
Stab da catastrofas	Forester	Simon Cathomen	12.12.2016	
Stab da catastrofas	Substitut	Simon Beer	12.12.2016	
Stab da catastrofas	SAS	Alexi Dermon	12.12.2016	
Stab da catastrofas	Substitut	Toni Dermon	12.12.2016	
Stab da catastrofas	Canzlist	Andri Hendry	12.12.2016	
Stab da catastrofas	Substitut	Romeo Schmed	12.12.2016	
Corpor. schigentera solara da gliet Cadi	Com. supra.			negin suprastont pli (niew André Schmid)
Corpor. schigentera solara da gliet Cadi	Delegau	Victor Flepp	12.12.2016	
Schazegiader communal (construcziun)	Schazegiader	Victor Flepp	12.12.2016	
Schazegiader communal (agricultura)	Schazegiader	Gion Battesta Manetsch	12.12.2016	

Cumissius/delegaziuns 2017/2020 (eligi dil cussegl da vischnaunca)

Cumissiu Delegaziun	Uffeci	Commembra 2017/2020	Adressa	Eligi ils	Remarcas
Cumissiu da baghegiar	President	Iso Mazzetta	Via Sursilvana 11	ex officio	
Cumissiu da baghegiar	Commembra	Simon Bisquolm	Via da scola 7	13.01.2017	
Cumissiu da baghegiar	Commembra	Corsin Bundi	Via Sogn Gions 2	13.01.2017	
Cumissiu da baghegiar	Commembra	Dario Manetsch	Via Raveras 2	13.01.2017	
Cumissiu da baghegiar	Commembra	Ronny Zanin	Via Raveras 22	13.01.2017	